



Republika e Kosovës
Republika Kosova
Republic of Kosovo



Komuna e Kaçanikut
Opština Kaçanik
Municipal of Kaçanik

01Nr. 60/01-38196/21
Kaçanik, 29.12.2021

PROCESVERBAL

Nga mbledhja e **II** (mbledhje e rregullt) e Kuvendit të Komunës Kaçanik për vitin 2021 (Legjislatura e shtatë), mbajtur me 29.12.2021. Mbledhja është mbajtur në katin e tretë të objektit të komunës, në sallën e kuvendit, më fillim pune në ora 11:00.

Nga përbërja e përgjithshme e Kuvendit të Komunës prej 27 anëtarëve, pjesëmarrës në mbledhje fillimisht ishin 26 anëtarë, në ndërkohë arriti edhe anëtari Betim Shala, kështu që përbërja e KK, konstatohet së është me 27 anëtarë.

Prej strukturave ekzekutive të komunës, në mbledhje morën pjesë: Kryetari i Komunës-Besim Ilazi, drejtorët e drejtorive komunale në detyrë: Bahri Selimi, Ramadush Osmani, Festim Neziraj, Fatmir Loku, Zahir Doda, ndërkaq nga zyrtarët e komunës ishte Fatlume Guri-Selimi, Bejtulla Dalloshi dhe Arbnora Kuka.

Nga qytetarët, 1: Xhevdet Tifeku.

Nga OSBE- mbledhjen e monitoroj Gazmend Murseli. Nga strukturat vendore mbledhja monitorohet përmes Tel, prezencës nga Vjosa Ahmetaj- Zyrtare e lartë për monitorim të Komunave në MAPL.

Mbledhjen e kryesoi Kemal Mërseli, Kryesues i Kuvendit,
Procesmbajtëse Makfire Malsiu.

Para se të fillonte mbledhja, të gjithë anëtarët e Kuvendit të Komunës u pajisën me laptop nga drejtori në detyrë i Administratës së Përgjithshme, Festim Neziraj dhe zyrtarit të IT, Bejtulla Dalloshi.

Kryesuesi i Kuvendit z. Kemal Mërseli: Të nderuar pjesëmarrës të kësaj mbledhje, së pari iu përshëndes të gjithëve iu dëshiroj mirëseardhje, konstatoj pjesëmarrjen duke i thirrur emër për emër, pasi që nuk kemi pajisje elektronike me konstatua pjesëmarrjen. Kushte pune për t'u mbajtur mbledhja ka, andaj e hapi mbledhjen e dytë të radhës apo mbledhja e parë e rregullt për vitin 2021, data 29 dhjetor 2021, me këtë:

REND PUNE

1. Betimi Solemn i anëtares së zgjedhur të Kuvendit të Komunës nga AAK, Rabije Sallahi - zëvendësimi i anëtares së dorëhequr Hafize Sallahi;
2. Aprovimi i Procesverbalit nga mbledhja Inauguruese e Kuvendit të Komunës;
3. Propozim Vendimi për formimin e Komitetit për Politikë dhe Financa;
4. Propozim Vendimi për formimin e Komitetit për Komunitete;
5. Propozim Vendimi për formimin e komisionit për hartimin e Planit të punës së Kuvendit të Komunës për vitin 2022;

6. Raporti Financiar për periudhën janar-shtator 2021; dhe
7. Propozim Vendimi për aprovimin e Listës së veçantë të pronave komunale të cilat planifikohen të jepen në shfrytëzim në vitin 2022.

Kryesuesi i Kuvendit: Fillimisht ua përkujtoj anëtarëve të zgjedhur të Kuvendit të Komunës së duhet të deklaroni pasurinë në Agjencinë, në afatin e përcaktuar ligjor duke filluar nga marrja e mandatit, përndryshe mund keni pasoja juridike. Anëtarët e rizgjedhur e bëjnë vetëm deklarimin e rregullt të pasurisë në mars nga 1-31 mars të vitit kalendarik. Para se të fillojmë me rendin e punës, kemi kërkuar nga sekretaria që t'ua dërgoj një email për përcaktimin e shefave të grupeve parlamentare(ShGP), në mënyrë që të dimë se ku të adresohemi në raste të caktuara. Andaj kërkoj fillimisht nga subjektet politike që të deklarojnë për shefat e grupeve parlamentare, duke filluar nga subjektet me i madh politik PDK, pastaj shkojmë të subjektet tjera politike.

z. Rrustem Zenuni: Nga PDK, Shef i GP është caktuar anëtarja, Fitore Vishi.

z. Adnan Reka: Para se të deklarojë për shefat e GP, fillimisht shfrytëzoj rastin t'i përshëndes të gjithë kolegët dhe t'iu uroj marrjen e mandatit të ri, urime edhe atyre që kanë rimarrë mandatin. LVV e propozon për Shef të GP, anëtarin, Agim Mani.

z. Besnik Salihu: Nga LDK, e propozoj Shef i GP, anëtarin, Ardita Rrahmani.

znj. Rabije Sallahi: Nga AAK, është caktuar anëtarja, Ekrem Livoreka.

Kryesuesi i Kuvendit, Në emër të subjektit politik, NISMA fjalën e merr në KK, Agim Çaka.

Atëherë, shefat e GP u caktuan, kalojmë në shqyrtimin e pikave sipas radhës:

1. Betimi solemn i anëtares së zgjedhur të Kuvendit të Komunës nga AAK, Rabije Sallahi - zëvendësimi i anëtares së dorëhequr Hafize Sallahi;

Kryesuesi i Kuvendit: Kërkoj nga znj. Rabije Sallahi të lexon tekstin e Betimit solemn të përcaktuar si në LVL, ndërkaq në shenjë respekti, i ftoj të gjithë të pranishmit të ngitemi në këmbë.

Teksti i betimit solemn u lexua nga znj. Rabije Sallahi, si vijon:

Unë Rabije Sallahi, "Betohe (ose deklaroj solemnisht) se do t'i kryej me nder, me besnikëri, pa anime e më ndërgjegje dhe sipas ligjit detyrat dhe do t'i ushtroj autorizimet e mia si këshilltar i kuvendit të komunës së Kaçanikut, në mënyrë që të sigurohen kushte për jetë të qetë për të gjithë, Betohe.

Kryesuesi i Kuvendit: Urime Rabije, punë të mbarë në aktivitetin e KK, ndërkaq konstatoj;

Ndryshim plotësimet e përbërjes së Kuvendit të Komunës të Legjislaturës së gjashtë (6) të KK të zgjedhur me 17 tetor 2021 / Lënda: 01Nr. 60/01-38147/21.

Në bazë të Vendimit KQZ Nr. 3472 të datës 17.12.2021, anëtarja e dorëhequr nga AAK Hafize Sallahi, zëvendësohet me kandidatin e radhës nga subjekti politik i AAK, Rabije Sallahi. Nga kjo datë i realizon të gjitha të drejtat dhe detyrat si anëtarë tjerë të KK, dhe i merr të gjitha përgjegjësitë të cilat i takojnë si të anëtarëve tjerë të KK, ndërkaq pushon të jetë anëtar sipas dispozitave të nenit 37.2 të Ligjit për Vetëqeverisje Lokale Nr.03/L-040.

2. Aprovimi i Procesverbalit nga mbledhja inauguruese e Kuvendit të Komunës;

Kryesuesi i Kuvendit: Materialin e keni marrë, nëse ka kush diçka lë të urdhëroj:

z. Agim Çaka, Procesverbali ka disa gabime teknike dhe drejtshkrimore. Nëse mundën me u korrigjuar, do të ishte mirë, në mënyrë që dokumenti mos të publikohet me gabime.

Kryesuesi i Kuvendit: Procesverbali është i korrigjuar, mundet të ketë ndonjë gabim, apo ka mundësi që ju të jeni gabim. Meqë nuk ka kush diçka, atëherë procesverbalin e mbledhjes së kaluar të KK me vërejtjet e Agim Çaka, e shtroj në votim për aprovim dhe i njëjti u aprovua me vetëm 1 abstenim, Rabiye Sallahi, për shkak së e njëjta nuk ka qenë pjesë e KK. Në sajë të kësaj del konstatimi së Kuvendi i Komunës e,

APROVON

Procesverbalin nga mbledhja inauguruese e Kuvendit të Komunës të datës 08 dhjetor 2021/ Lënda: 01Nr. 60/01-36366/2021.

Pyetje dhe Kërkesa

z. Adnan Reka: Si kërkesë të parë të kësaj legjislature dua të theksoj ndërtesën e sallës së KK, e të mos shfrytëzohet, improvizohet ndonjë zyre e objektit të komunës për sallë të Kuvendit Komunal, si institucioni më i rëndësishëm në nivel të komunës. Kjo zyre e improvizuar nuk i bënë nderë askujt në gjendjen që është, sepse nuk plotëson as kriteret themelore të qenit sallë e një Kuvendi Komunal.

Kryesuesi i Kuvendit: Keni të drejtë, pajtohem plotësisht me këtë kërkesë, një projekt ishte i gatshëm që nga viti i kaluar, por të njëjtin na i hoqën MAPL. Kërkoj edhe nga ju dhe kushdo që ka mundësi se ne jemi të gatshëm të fillojmë me procedurat. Mjetet të gatshme nga buxhet nuk kemi, por me bashkëfinancim me MAPL mund të zhvillojmë procedurat, sepse kjo sallë nuk i plotëson kushtet për një mbledhje të KK, nuk kemi as foltore, kështu që e mbështesë këtë kërkesë.

znj. Ardita Rrahmani: Në emër të LDK, kërkoj që pikat: Propozim Vendimin për formimin e KPF dhe Propozim Vendimin për formimin e Komitetit për Komunitete, për ti shtyrë për mbledhjen vijuese, pasi që për momentin, nuk është në mbledhje z. Betim Shala, ose t'i shqyrtojmë në fund këto dy pikë.

Kryesuesi i Kuvendit: Para miratimit të rendit të punës mund të jepni propozime nëse keni diçka, për ndryshim apo shtyrje të ndonjë pikë, mandej KK vendosë. Rendi i punës u miratua, mos prezenca e Betim Shala nuk mendoj se paraqet problem në këto pika, për shkak së janë propozime që i takojnë grupeve parlamentare dhe ekziston një formulë për formimin e tyre. Kur të kalojmë të pikat, mundesh me marrë fjalën dhe me dhënë propozime.

Pyetje dhe kërkesa tjera nuk ka, atëherë kalojmë në pikën e tretë;

3. Propozim Vendimi për formimin e Komitetit për Politikë dhe Financa;

Kryesuesi i Kuvendit: Sipas LVL, janë dy komitetet obliguese të cilat duhet t'i themeloj KK në fillim të legjislaturës së tij. 1. Komiteti për Politikë dhe Financa (KPF) dhe 2. Komiteti për komunitete. Sipas Rregullores për themelimin e komiteve të obliguara thuhet që KK që kanë numër 21-31 anëtarë, numri i anëtarëve të KPF është 7. Përbërja KK në komunën tonë maksimumin e KPF e ka 7 anëtarë. Sipas rregullores në fjalë, thuhet së përbërja duhet të reflektoj numrin e ulëseve në KK që kanë fituar në zgjedhje dhe kuotën gjinore sipas Ligjit për barazi gjinore. Sipas Propozim Vendimit, KPF përfaqësohet me 7 anëtarë me kryesuesin e KK, i cili vjen sipas detyrës zyrtare Përfaqësimi është: PDK me 2 anëtarë + kryesuesi i KK, LVV me 2 anëtarë, LDK me 1 anëtar dhe AAK me 1 anëtar. E hapi diskutimin para se me kaluar në propozime konkrete:

znj. Ardita Rrahmani: Në emër të LDK, kërkoj 5 min. pauzë për konsultim.

Kryesuesi i Kuvendit: Për çështjen e kërkesës për pauzë, nuk ka problem. Nëse ndonjë grup tjetër ka nevojë për konsultime, le të urdhërojnë. Pas pauzës 5 minuta kryesuesi vazhdoj me punimet e mbledhjes. Shkojmë me propozimet duke filluar nga PDK.

z. Rrustem Zenuni: Nga PDK për anëtarë të KPF i propozojmë anëtarët:

1. Kadri Krivenjeva dhe 2. Fitore Vishi.

z. Adnan Reka: Nga LVV për anëtarë të KPF i propozojmë anëtarët:

1. Agim Mani dhe 2. Kadrije Lika-Troni.

znj. Arlinda Rakoci-Raka: Nga LDK për anëtare të KPF e propozojmë, Ardita Rrahmani.

z. Ekrem Livoreka: Nga AAK për anëtare të KPF e propozojmë, Rabije Sallahi.

Kryesuesi i Kuvendit: Propozimet të cilat dolën i shtroj në votim për aprovim. Propozimet u aprovuan me shumicën e votave Për, Kundër ishte Raif Kasa, Abstenoj Agim Çaka. Në sajë të kësaj del konstatimi së Kuvendi i Komunës mori këtë:

VENDIM

Për formimin e Komitetit për Politikë dhe Financa (KPF), në përbërje:

1. Kemal Murseli	PDK	Kryesues sipas detyrës zyrtare
2. Kadri Krivenjeva	PDK	anëtar
3. Fitore Vishi	PDK	anëtare
4. Agim Mani	LVV	anëtar
5. Kadrije Lika-Troni	LVV	anëtare
6. Ardita Rrahmani	LDK	anëtare
7. Rabije Sallahi	AAK	anëtare. / Lënda: 01Nr. 60/01-38152/21.

4. Propozim Vendimi për formimin e Komitetit për Komunitete;

Kryesuesi i Kuvendit: Komiteti për Komunitete është një komitet i cili fillimisht është paraparë në komunat ku jetojnë komunitetet pakicë, pastaj nuk kanë mundur me u ndarë komunat të cilat nuk kanë etnitete, atëherë është përcaktuar që në komunat që nuk kanë pakica, numri i anëtarëve të këtij komiteti të jetë 5 anëtarë, sipas rregullores për formimin e komiteve të përhershme në komunë. Ne duhet t'i propozojmë 3 anëtarë nga KK dhe 2 anëtarë nga OJQ dhe grupet tjera të interesit. Përbërja e Komitetit për Komunitete në

komunën tonë duhet të jetë prej 5 anëtarëve. Nëse nuk ka kush diçka, shkojmë me propozimet konkrete të përfaqësuesve të KK në këtë komitet, pastaj 2 emra nga OJQ i jep Kryetari i Komunës të cilat besoj se ia janë dërguar OJQ.

z. Adnan Reka: Nëse ju thoni se 2 anëtarë duhet të jenë nga jashtë, unë nuk e ndajë mendimin me ju. Sa e di unë se vetëm 1 anëtar duhet të jenë nga jashtë, e jo siç po pretendoni ju që 2 anëtarë të jenë nga jashtë. Këtë çështje e lexova në Udhëzimin Administrativ që rregullon këtë çështje.

Kryesuesi i Kuvendit: Ne me herët kemi pasur edhe me tepër anëtarë nga OJQ në këtë komitet, por numri ka qenë më i madh i përbërjes, ndërkaq tani numri është i kufizuar në 5 anëtarë. Ne nga KK e reduktuam numrin e anëtarëve në mënyrë që të përfshijmë OJQ me tepër për më iu dhënë hapësirë përfaqësimit të tyre, për shkak se ata nuk po kanë mundësi të përfaqësimit. Megjithatë e shtrojmë në votim që të vendosim për përfaqësimin në këtë komitet të KK dhe përfaqësuesve nga jashtë.

z. Adnan Reka: Ne kemi komunitet në komunën e Kaçanikut, ndoshta është mirë me ju ofruar përfaqësimin në këtë komitet. Ne e dimë realitetin, unë thashë është mirë me ua ofruar këtë pozitë, nëse nuk kemi komunitete, atëherë të përfaqësohet një anëtarë nga OJQ dhe 4 anëtarë nga KK.

Kryesuesi i Kuvendit: Unë nuk e di se ka ndonjë komunitet i regjistruar si etnitet. Qëllimi i jonë ka qenë me i përfaqësua sa me shumë OJQ, nëse ju e ndani mendimin për përfaqësim me të madh të KK, neve nuk ka problem në këtë drejtim.

z. Adnan Reka: Unë e kam fjalën që mos të bëjmë shkelje të procedurave ligjore dhe administrative.

Kryesuesi i KK: Jo shkelje ligjore nuk bëjmë, anëtarët e komitetit për komunitete mund t'i marrim krejt nga jashtë, kjo nuk na pengon asgjë, por nëse jeni që të jetë vetëm 1 anëtarë nga OJQ e lëmë ashtu, unë e pranoj këtë propozim. Atëherë nëse nuk ka kush diçka, përbërja e këtij komiteti është 5 anëtarë, 4 anëtarë të jenë nga KK dhe 1 anëtarë nga jashtë. Kërkoj nga grupet parlamentare t'i japin emrat për 4 anëtarë nga KK. Kërkojmë nga grupet më të mëdha politike të japin nga 1 emër për anëtar të komitetit për komunitete duke filluar nga grupi me i madh politik- PDK.

znj. Fitore Vishi: Përsëritet për të gjithë, nga grupi parlamentar i PDK e propozojmë për anëtare të Komitetit për Komunitete, Lejla Muhaxheri-Çaka, për arsye të kuotës gjinore.

Kryesuesi i kuvendit: Harrova të sqaroj së edhe këtu duhet të kemi kuotën gjinore, atëherë vazhdojmë me propozimet e subjekteve tjera politike.

z. Agim Mani: Faleminderit kryesues, përsëritet për të gjithë, nga LVV e propozojmë për anëtar të Komitetit për Komunitete Adnan Reka.

znj. Ardita Rrahmani: Nga LDK, e propozojmë për anëtar të Komitetit për Komunitete Betim Shala.

znj. Rabije Sallahi: Nga AAK e propozojmë për anëtar të komitetit për Komunitete, Ekrem Livoreka.

Kryesuesi i Kuvendit: Me kuotën gjinore nuk jemi në rregull, nga OJQ nuk ka anëtare femër të propozuar. Kërkojmë nga dy grupet politike LVV apo LDK që njëra prej tyre të japin kandidatë femër, për shkak se vendimi mund të na kthehet nga MAPL. Kërkoj mirëkuptimin e juaj, përndryshe na e kthejnë MAPL dhe duhet të merremi dy herë me këtë punë.

z. Agim Mani: Ne LVV e tërheqim propozimin për anëtarin Adnan Reka, ndërkaq e propozojmë për anëtare të Komitetit për Komunitete, Arta Avdiu.

Kryetari i Komunës: Nga OJQ, theksoj se kemi menduar për 2 emra, mirëpo po e anëtarësojmë në këtë komision anëtarin e parë të propozuar, e ai është, Arben Thaqi.

Kryesuesi i Kuvendit: Propozimet të cilat u dhanë i shtroj në votim për aprovim dhe u aprovuan me shumicën e votave për, kundër votë nuk ka, abstenoj Agim Çaka. Në sajë të kësaj del konstatimi së Kuvendi i Komunës mori këtë:

VENDIM

Për formimin e Komitetit për Komunitete, në përbërje prej 5 anëtarëve, si vijon:

- | | | |
|---------------------------|----------------------|---------|
| 1. Lejla Muhaxheri- Çaka, | PDK | anëtare |
| 2. Arta Advdiu | LVV | anëtare |
| 3. Betim Shala | LDK | anëtar |
| 4. Ekrem Livoreka | AAK | anëtar |
| 5. Arben Thaqi | OJQ/ shoqëria civile | anëtar. |

Kryesuesi i këtij komiteti zgjidhet nga radhët e anëtarëve të këtij komiteti.

Lënda: 01Nr. 60/01-38151/21.

5. Propozim Vendimi për formimin e komisionit për hartimin e Planit të punës së Kuvendit të Komunës për vitin 2022;

Kryesuesi i Kuvendit: Plani i punës së KK hartohet në vija të trasha nga sekretaria e KK. Plani është orientues e nuk do të thotë së nuk ndryshohet dhe plotësohet sipas kërkesave dhe nevojave të cilat paraqitën gjatë vitit në periudha të caktuara. Megjithatë duhet formohet një komision për të shtuar edhe pikë tjera nëpër mbledhje të caktuara për zhvillimin e punës së KK për vitin 2022. E hapi diskutimin: Për diskutim nuk u paraqit kush, atëherë shkojmë me propozime konkrete duke filluar nga subjekti politik me i madh-PDK.

znj. Fitore Vishi: Nga PDK e propozojmë për anëtar të komisionit, Fatmir Bunjaku.

z. Agim Mani: Nga LVV e propozojmë për anëtar të komisionit, Adnan Reka.

Ekrem Livoreka: Nga AAK nuk kemi kandidat për anëtar të komisionit.

znj. Ardita Rrahmani: Nga LDK e propozojmë për anëtare të komisionit, Arlinda Rakoci-Raka,

Nga NISMA, Kryesuesi i Kuvendit e propozoj në këtë komision, Agim Çaka.

Kryetari i Komunës: Besim Ilazi, Nga Ekzekutivi i komunës e propozoj për anëtare të komisionit, Makfire Malsiu.

Kryesuesi i Kuvendit: Meqë u bënë 6 anëtarë, atëherë nga PDK jam unë, kështu që e tërheqim propozimin për kandidatin nga PDK, Fatmir Bunjaku.

Propozimet të cilat dolën u shtruan në votim për aprovim dhe u aprovuan me votat Për, të anëtarëve të KK, me përjashtim të Raif Kasa i cili votoj kundër. Në sajë të kësaj del konstatimi së Kuvendi i Komunës mori këtë:

VENDIM

Për formimin e komisionit për hartimin e Planit të punës së Kuvendit të Komunës për vitin 2022, në përbërje:

1. Kemal Murseli,	PDK	Kryesues i komisionit;
2. Adnan Reka	LVV	anëtar
3. Arlinda Rakoci-Raka	LDK	anëtar
4. Agim Çaka	NISMA	anëtar
5. Makfire Malsiu	Ekzekutivi i komunës	anëtar.

Lënda: 01Nr. 60/01-38141/21.

6. Raporti Financiar për periudhën Janar-Shtator 2021;

Kryesuesi i Kuvendit: Raportet financiare janë 3, 6, 9 mujore dhe vjetore për debat në KK. Raportet financiare nuk votohen, raporti është proceduar për KK për njoftim, por jepen sqarime për grumbullimin e mjeteve dhe shpërndarjen e tyre nga ana e ekzekutivit. Nëse ka kush diçka, e hapi diskutimin;

z. Adnan Reka: Përveç debatit të Raporti Nëntëmuor Financiar thash se, Raporti Nëntëmuor Financiar tregon qartë se kemi të bëjmë me shpërndarje tejet të dobët të buxhetit komunal, për faktin se 71.17 % shpenzohet për paga dhe mëditje, ndërsa për Investime Kapitale vetëm 17.77 %, ndërkaq për subvencione dhe transfere 2.85 %. Ndër të tjera theksova se, në vitin 2021 kishte 154.562€, ndërsa në vitin 2020 kishte vetëm 58.394 €, që i bie gati 3 herë me tepër subvencione në vitin elektoral 2021. LVV uroi që subvencione dhe transfere të ketë edhe me tepër se kaq, por të mos keqpërdoret paraja publike për t'i joshur votuesit përmes subvencioneve gjatë fushatave elektorale.

Kryesuesi Kuvendit: Për sqarime të nevojshme të raportit, fjalën e ka drejtori i drejtorisë së Financave, Bahri Selimi.

z. Bahri Selimi: Faleminderit kryesues, përshëndetje të gjithëve, shfrytëzoj rastin fillimisht t'iu uroj marrjen e mandatit të gjithë anëtarëve të KK. Fillimisht po jap sqarim së për shkak të mosfunksionimit të KK për shkak të zgjedhjeve lokale, raportin 9 muor e sjellim tani në muajin dhjetor të këtij viti, përndryshe po të kishte funksionuar KK ky raport ishte shqyrtuar në përfundim të shtatorit. Kur jemi të buxheti 2021 është një shpenzim mjaft i mirë i buxhetit, 58.33% realizimi i buxhetit, përndryshe 6.42% me e lartë se në periudhën e njëjtë të vitit të kaluar. Para se me dhënë përgjigje, nëse e keni shikuar raportin e të HVK janë realizuar me performancë të lartë, e kemi tejkaluar planin qysh në muajin shtator, të hyrat direkte. Çdo euro e inkasuar pas muajit shtator e deri në dhjetor paraqet tejkalim të HVK, ku falë zyrtarëve komunal, ekzekutivit të komunës, sidomos të inkasimit të tatimit në pronë dhe në tokë – lejet e ndërtimit, taksat e ndryshme për inkasimin e TP, taksat e ndryshme të trashëgimisë të sektori i kadastrit dhe urbanizmit. Komuna ka treguar performancë të lartë të HVK- performanca me e lartë e arritur ndonjëherë. Sa i përket shqetësimeve të Adnanit, të Investimet Kapitale, është mirë të sqarohemi se ju i referoheni një shumë 17.77% të investimit, investime kapitale janë 35.38%.

z. Adnan Reka: Unë iu referova investimeve kapitale për tërë vitin 2021 që është 17.17% e jo për 9 muaj të vitit 2021. investimet kapitale, pagat dhe mëditjet kanë këto përqindje të cilat i ceka. Për paga dhe mëditje janë 71.17%, investime kapitale janë 17.17%, subvencione dhe transfere, 2.85%.

Kryesuesi i Kuvendit: Raporti është për 9 muaj, e jo për tërë vitin, duhet pasur parasysh këtë fakt.

z. Bahri Selimi: Nëse shihni buxhetin në total, e shihni të tabela me nr. 3, totali është 17.17%, por jo në pjesëmarrje të përgjithshme të buxhetit, përndryshe Adnan është shpenzuar afër 36% e buxhetit në këtë program apo për 82% më shumë së vitin e kaluar të periudhës së njëjtë, për shkak së ishte vit pandemie, d.m.th. ecuria nuk është e keqe. Të subvencionet, si buxhet nuk ka shumë dallim me vitin 2020 si ndarje, por si shpenzim ka. Subvencionimi është të sektori i kulturës ku janë subvencionuar për shkak të përshpejtimit të HVK të cilat i përmenda më herët, ka pasur mjete për subvencione dhe janë subvencionuar nga të HVK. Janë subvencionuar të gjitha aktivitetet kulturore sportive, OJQ e ndryshme, ndërsa në vitin e kaluar ka pasur ngecje, me vonë janë shpenzuar shumica e subvencioneve, për shkak të mbylljes së vendit, masave të pandemisë nuk kanë zhvilluar aktivitete kulturore e sportive as OJQ, do të thotë së nuk ka pasur shumë aktivitete.

z. Adnan Reka: Në vitin 2020 edhe nëse i shikojmë ndihmat momentale 1500€ në vitin 2021, së bashku bëjnë 11.000€. SHKA që po i përmend, në vitin e kaluar nuk iu keni dhënë subvencione, në rregull, mirëpo kemi një vitin jo pandemie 2019 prapë diferenca janë mjaftë të mëdha. Nëse i referohemi tingujt e vendlindjes, 6.500€ euro i kanë marrë këtë vit, SHKA Gryka e Kaçanikut 3.900€ dhe u kanë vit pandemie 2021, ose nëse i referohemi 2019, diferencat janë 1.300€, 1.500€, por jo 6.500€ diferenca jashtëzakonisht të mëdha. Kjo po tregon qartë që viti elektorale e jo pandemia ka qenë ai që i ka shtyrë me iu dhënë edhe ndihma çasti edhe para në dorë edhe kush ka pasur me ndërtuar shtëpi apo ndonjë nevojë tjetër.

z. Bahri Selimi: Për shkak së viti 2020 ka qenë vit pandemie, ka pasur ngecje në të gjitha sferat në sektorin e kulturës. Në vitin 2021 i kemi subvencionuar me kohë klubet sportive, ekonomitë familjare, sepse janë dëmtuar shumë, kështu që u janë ndarë mjete nga Zyra e Kryetarit, 1.500 € ndihmat momentale.

Kryetari i Komunës-Besim Ilazi: Sa i përket subvencioneve Adnan, shifrën të cilën po e sheh, dua të tregoj së vitin e kaluar i kemi ndarë 181 sera, ndërkaq sivjet 177 sera. Të SHKA sa për informacion, këtyre dy grupeve iu kanë ndarë mjetet e barabarta, por nëse nuk të kujtohet këtë vit e kemi bërë një thirrje publike për bashkatdhetarët, dhe janë ndarë 2.000€ shtesë. Nga thirrje publike ka përfituar një shoqëri 6.500€, për ndryshe të gjitha janë të njëjta me vitin paraprak, me përjashtim të shpenzimeve të transportit. Të subvencionet, këtë vit ka pasur mundësi që të ketë më tepër subvencionim në vlera, sepse në vitin e kaluar i kemi ndarë 100.000 € dhe i kemi dhënë në formë tjetër, ndërkaq këtë vit nja 5 apo 6 mijë euro janë ndarë për skamnorët dhe të gjithë janë me emra dhe mundesh me verifikuar se a ka ndikuar kjo në procesin e fushatës elektorale.

z. Adnan Reka: Të SHKA, Tingujt e Vendlindjes, në një periudhë jo pandemie që është dashur të kenë aktivitete shumë me shumë që kanë mundur të kenë, por fatkeqësisht nuk

kanë pasur, se ju nuk iu keni dhënë mjete. Unë nuk po dua të spekuloj se a kanë pasur apo jo mjete. Dallimet kanë qenë shumë të mëdha në vitin 2020, së po shihen kategoritë të cilat nuk iu keni dhënë, por iu keni thënë se do t'iu japim në vitin 2021 të gjitha. Në vitin 2020 nuk ka pasur zgjedhje, viti 2021 ka pasur zgjedhje dhe iu kanë dhënë mjete, kujt iu kanë nevojitur, për shtëpia etj. Mirë që iu keni dhënë, shumë mirë keni bërë, unë nuk jam kundër subvencioneve, por jo me i shfrytëzua vitet elektorale si viti 2017 e njëjta situatë ka ndodhë, sepse në vitin 2017 ka pasur subvencione me shumë së çdo vit tjetër, kjo nuk është në rregull.

Kryesuesi i Kuvendit: Nëse i krahasojmë vitet e ndarjes së subvencioneve si tërësi, ju e dini që në vitin 2020 janë ndarë 100.000 € subvencione nga KK dhe ato mjete këtu nuk figurojnë hiq. Janë 58.000€ në vitin 2020, ato 100.000€ kanë rrjedhur nga pagat dhe mëditjet. Nëse ia shtojmë edhe ato mjete, bëjnë 158.000 në vitin e kaluar, e për sivjet mbesin 154.000€. Nëse e bëjmë një krahasim si tërësi, ti e din së ke qenë anëtar i KK, në vitin e kaluar janë ndarë 100.000€ ndihma për shkak të pandemisë. Sivjet nuk është vit pandemie, janë subvencionuar disa kategori tjera. Vjet ka qenë vit pandemie, janë rezervuar disa kategori nuk janë subvencionuar, si klubet sportive, SHKA etj. Nëse e bënë këtë dalim e ke të lehtë me gjetur mundësinë.

z. Adnan Reka: Është e vërtetë që në vitin 2020 janë ndarë 100.000€ dhe shumica e atyre mjeteve kanë shkuar për dezinfektim të shkollave, miell që iu ka dhënë skamnorëve, por shumica e mjeteve kanë shkuar për dezinfektues, unë mundem t'ua sjellë edhe raportin për këtë.

Kryesuesi i Kuvendit: Pavarësisht ku kanë shkuar mjetet, nuk iu kanë dhënë SHKA, por janë dhënë për dezinfektim. Sivjet janë dhënë mjete sa me pak për dezinfektim, ndërkaq me shumë mjetet për aktivitete kulturore, se janë hapur aktivitetet, kështu që krahasimi është ky.

z. Adnan Reka: Unë i bëra tre krahasime, vitin 2019 kur nuk ishte vit pandemie, viti 2020 ku ishte vit pandemie, dhe viti 2021 që ishte vit elektorale.

Kryesuesi i Kuvendit: Në vitin elektorale po thoni se shpenzimet kapitale janë shumë të vogla. Nëse ka qenë vit elektorale viti 2021, atëherë me shpenzime kapitale është dashur me ecur përpara.

Kryetari i Komunës-Besim Ilazi : Adnan, ne e kemi një letër përpara dhe t'i po e sheh sesi janë ndarë mjetet, po e sheh që nga DAK janë ndarë 91.000 €, dhe po e sheh qartë se si janë ndarë nëpër kategori të caktuara, dhe shuma tjetër është 54.000€ që janë ndarë për 177 sera. Unë nuk e di se ku po dyshon për këto të dhëna që po i sheh dhe ti e din së shpërndarja bëhet me thirrje publike, dhe në thirrje publike nuk e ka diferencën që tre vjet dhe nëse i ke shikuar ndarjet janë gati të njëjta me përjashtim të Tingujt e vendlindjes që është ndarë për diasporën me thirrje publike, ku iu kanë shtuar edhe 3.000€ apo 3.500€ dhe nën 1, unë kam thënë që ne nuk ndërhyjmë në pjesën e drejtësisë. Nuk është mirë me i dezinformuar qytetarët me iu thënë janë shpenzuar 6.000€. Janë ndarë 6.000€, por nuk janë shpenzuar 2.000€. Tre herë janë ndarë nga ministria që e financon projektin nga 2.000€ por nuk janë shpenzuar të gjitha. Është mirë kur të kesh shifrën e saktë së është një përfaqësues i tyre i cili është menaxher, kështu kur të kesh shifrën e saktë shumë, 6.500€ ia argumenton si kanë shkuar. Mos u thirrur në atë nëse ministria i ka ndarë 6.500 €, janë dhënë mjetet, por nuk janë shpenzuar, mjetet e ngelura janë kthyer ministrisë.

z. Adnan Reka: Unë kryetar iu pyeta edhe për banesën sociale, që na keni thënë së është në krime ekonomike. Unë jam anëtar i KK dhe takohemi përsëri këtu me vendime dhe me shifra me të sakta edhe me centë, me dokumente zyrtare, për ti argumentuar edhe më saktë. Këto që jam duke i thënë, nuk janë mjete të ministrisë, këto janë shpenzime të cilat na i kemi ndarë mjetet nga viti 2017 pak nga pak. Në mbledhjen tjetër unë i sjellë të dhënat e sakta.

Kryetari i Komunës: A bënë me u sqarua anëtarëve të KK sa mjete janë ndarë nga KK, se nuk kanë me dalë shifra, 6.000€, të lutem, Unë mundem me thënë, me shumë se vlera e kontraktuar po, por jo me tepër së 6.500€.

Kryesuesi i Kuvendit: Adnan, nëse ke edhe diçka me thënë, së kjo është jashtë çdo rregulloreje. Kur të marrësh fjalën, thuaje çka ke me thënë deri në fund, përfundoje dhe e merr tjetri fjalën. Është mirë më iu përmbajtur rregullores.

z. Agim Çaka: Kërkoj nga kryesuesi i KK që t'ua krijon hapësirën edhe anëtarëve tjerë, me marrë fjalën, sepse diskutimi për këtë pikë deri me tani kaloj në bashkëbisedim. Secili anëtar i KK duhet me marrë fjalën dhe me thënë atë që donë me thënë, pastaj me marrë përgjigjen nga zyrtari i autorizuar. Të ky buxhet, unë jam anëtar i ri i KK dhe nuk kam pasur qasje, mendoj që drejtori duhet me na i dhënë sqarimet e nevojshme se ku ka pasur shpenzime jo korrekte, ku ka çaluar realizimi i buxhetit. Unë nuk kam mundur ta lexoj në tërësi raportin, tema e cila u diskutuar deri me tani, nuk duhet të kalojnë në bashkëbisedim, sepse shumica e anëtarëve të KK nuk janë profesionist dhe nuk i kuptojnë terminologjitë profesionale, prandaj drejtori duhet të jetë më konkret. Të objekti i banimit social, duhet me sqarua, sa mjete janë ndarë nga qeveria, a janë shpenzuar të gjitha ato mjete apo jo. Nëse nuk janë shpenzuar të gjitha, duhet të sqarohet, sa mjete janë kthyer në ministri. Gjithashtu duhet sqaruar sa mjete i ka dhënë komuna, a janë shpenzuar apo nuk janë shpenzuar të gjitha mjetet që i ka ndarë komuna.

z. Bahri Selimi: Të objekti i banimit social mundeni me kërkua sqarim specifik edhe në ndonjë mbledhje tjetër. Të subvencionet u sqaruam, jemi këtu me dhënë sqarime dhe shquhemi për transparencë së jemi një ndër komunat që jemi bukur transparente. Përveç raportit, shumë detaje i shpalosin analitikat për çdo shpenzim që ndodhë. E tha edhe kryetari, nëse është nevoja me emra i japim edhe përfituesit individual të subvencioneve, për pako ushqimore apo ndërtimin e shtëpive. Janë 4 elemente këtu që i kanë rritur subvencionet në krahasim me vitin e kaluar. Viti i kaluar e thamë se ka qenë bukur pasiv në ushtrimin e aktiviteteve të ndryshme, në anën tjetër ishte një fillimi i vitit 2021 ku gjithçka realizohet me mjete financiare. Sa i përket sektorit të arsimit, ju e dini Adnan sa është zhvilluar procesi mësimor në krahasim me këtë vit 23.237€ janë shpenzuar për transportin e nxënësve .

Kryesuesi i Kuvendit: Diskutime të tjera nuk ka, raporti nuk del në votim. Në bazë të kësaj del konstatimi së Kuvendi i Komunës, u,

Njoftua

Me Raportin Financiar për periudhën janar-shtator 2021/ Lënda: 01Nr. 400/01-38144/21.

7. Propozim Vendimi për aprovimin e listës së veçantë të pronave komunale të cilat planifikohen të jepen në shfrytëzim në vitin 2022;

Kryesuesi i Kuvendit: Sipas Ligjit të ri për dhënien në shfrytëzim të pronës komunale, si dhe rregullores, komunitat janë të obliguara që për pronat që mendojnë t'i japin në shfrytëzim në vitin paraprak, atëherë janë të obliguara që deri me 31 dhjetor të miratojnë në KK listën e pronave, pastaj nga komisioni i cili formohet nga KK hapet mundësia e zhvillimit të procedurave përmes shpalljeve publike për të interesuarit për pronat të cilat do të jepen në shfrytëzim. Nëse nuk miratojmë listën në këtë vit, në vitin vijues nuk mund të japim asnjë pronë komunale në shfrytëzim. Materialin e keni marrë, arsyeja e komunës duhet të jetë interesi publik i komunës, pronësia e komunës dëshmohej me certifikata të pronës. Nëse ka kush diçka në këtë pikë, e hapi diskutimin:

z. Betim Shala: Të këto prona komunale nuk parashihet destinimi i tyre me PZHK. Neni 5 pika 2 e Ligjit për dhënien në shfrytëzim të pronave komunale, ashtu siç e potencuat edhe ju kryesues, thuhet së; qëllimi i shfrytëzimit të pronës së paluajtshme e komunës të jetë e harmonizuar me dokumentet e planifikimit hapësinor. Këto prona duhet të jenë të harmonizuara me PZHK, ndërkaq unë nuk po e shoh se a janë të gjitha këto prona të përshtatura me PZHK i cili është në fuqi, apo nuk janë.

Kryesuesi i Kuvendit: Unë edhe me herët e pata këtë çështje, para së me ia kaluar fjalën kryetarit, besoj se ti e din që PZHK është nga 2010, që 11 vite në fuqi. PZHK mund të ndryshohen pas 8 viteve dhe PZHK i riu është në hartim e sipër, e di që ju si zyrtar për urbanizëm dhe shumë zyrtarë tjerë kanë punuar në hartimin e atij plani, megjithatë këto prona nuk mund të epën në shfrytëzim, nëse nuk përputhen me PZHK, por si mundësi për me nxënë vitin për të hapur tema për pronat që janë në harmoni me PZHK, besoj së duhet të aprovohet në KK dhe në momentin që aprovohet në KK nuk do të thotë që këto prona janë dhënë në shfrytëzim, por krijohet mundësia që të epën në shfrytëzim, mandej komisioni i cili themelohet nga KK bashkë me ekzekutivin e kanë për obligim që në momentin që vendosin për thirrje publike apo ankand publik, të kenë parasysh edhe përshtatshmërinë e shfrytëzimit të këtyre pronave me PZHK. Nëse arsyetohet PZHK para se me dalë këto prona në thirrje publike për të interesuarit, duhet të jetë në harmoni me PZHK të ri. Nëse nuk del PZHK ri deri kur të dalin këto prona në thirrje publike, atëherë duhet të harmonizohen me PZHK aktual që është në fuqi. Mendoj së komisioni duhet t'i ketë parasysh këto çështje. Nuk është mirë të ngecet kjo çështje sot këtu, pasi që pastaj gjatë tërë vitit nuk kemi me pasur mundësi me diskutuar këtu për dhënien e pronave komunale në shfrytëzim.

z. Betim Shala: Unë mendoj së këto prona komunale nuk janë në harmoni me PZHK. PZHK duhet me i paraprirë vendimit të KK e jo vendimi i KK me i paraprirë PZHK. Pronat e cilat kanë me u dhënë në shfrytëzim për destinimin e caktuar, si p.sh. zonat industriale që nuk janë me PZHK, duhet të hiqen nga lista. Unë mendoj kështu.

Kryesuesi i Kuvendit: Unë nuk e kam sjellë, hartuar vet, propozim vendimin e ka sjell DUKMM, kur të dalin këto në thirrje publike, disa prej tyre të cilat mund të dalin apo të gjitha, atëherë duhet të harmonizohen me PZHK që është në fuqi, por si procedurë nuk është mirë të ngecet këtu, se pastaj gjatë tërë vitit nuk mundem me dhënë prona komunale në shfrytëzim.

Kryetari i Komunës- Besim Ilazi, Është e vërtetë se disa prona kanë hyrë në listë që nuk janë me PZHK, si e dini edhe ti ke qenë pjesë që keni punuar në PZHK, po shpresojmë në

3 mujorin e parë me realizua. Nëse nuk gabo, drafti i parë ka dalë, shpresoj të marrim edhe miratimi nga ministria që parashihen. Në PZHK të ri janë të parapara këto prona të cilat i kemi proceduar dhe po shpresojmë që do ta kemi PZHK dhe të procedojmë në mënyrë që mos të presim edhe 7-8 muaj tjerë për ti ecur këto procedura. Në momentin që nuk kemi arritur që të bëjmë PZHK këto janë të paarsyeshme edhe me i procedua, dhe nuk do bëjmë një gjë të tillë me i procedua për me i udhëhequr procedurat. Këto prona hapen në momentin që na kemi ndonjë ofertues. Mund të ndodhë që mos të epën asnjë prej tyre në vitin 2022 nëse nuk e shohim seriozitetin e kompanie. Procedurat udhëhiqen përmes ankandin dhe të njëjtat përsëri vijnë në KK për miratim. Kjo ka qenë arsyeja që i kemi proceduar këto prona, së paku mos të jemi pengesë e kompanive të cilat donë me investuar në komunën e Kaçanikut.

Kryesuesi t Kuvendit: Vendimi pas miratimit shkon në shqyrtim të ligjshmërisë, edhe nëse nuk kalon së nuk është i harmonizuar me PZHK, përsëri na kthehet në rishqyrtim. Kjo është një mundësi për të proceduar në vitin vijues, për me iu krijua mundësi investorëve dhe të interesuarve për të marrë prona komunale në shfrytëzim, por gjithnjë duke qenë pronat komunale në harmoni me PZHK.

Diskutime tjera nuk ka, atëherë e shtroj në votim për aprovim Propozim Vendimin dhe i njëjti u aprovua me 14 votë Për, 6 votë Kundër (4 anëtarët nga LDK, Raif Kasa nga LVV dhe Agim Çaka nga NISMA), Abstenuan 7 anëtarë nga LVV. Në saje të kësaj del konstatimi del së Kuvendi i Komunës mori këtë:

VENDIM

Për aprovimin e Listës së veçantë të pronave komunale të cilat planifikohen të jepen në shfrytëzim në vitin 2022 / Lënda: 01Nr. 104/02-38073/21.

Për fund Kryesuesi i Kuvendit ua përkujtoj edhe një herë anëtarëve të KK të cilët janë zgjedhur dhe e kanë marrë mandatin, **për të pasur parasysh çështjen e deklaratimit të pasurisë në afatin e përcaktuar ligjor prej 30 ditësh, nga dita e marrjes së mandatit 08 dhjetorit 2021, ndërsa anëtarët e KK të cilët janë rizgjedhur, duhet bëjnë deklaratimin e rregullt vjetor nga 1-31 mars 2022.**

Pasi jeni pajisur me Laptop, ju njoftoj së tani e tutje, materialet ua dërgojmë në formë elektronike, në emaile zyrtare të cilat do t'iu hapen nga zyrtari i IT.

Diçka tjetër për këtë takim nuk pati, kështu që konstatoj mbledhjen e përfunduar në ora 12:20. Deri në fund të mbledhjes ishin të gjithë anëtarët.

Procesmbajtës
Makfire Malsiu

M Malsiu





Republika e Kosovës
Republika Kosova
Republic of Kosovo



Komuna e Kaçanikut
Opština Kaçanik
Municipal Kaçanik

REGJISTËR I ANTARËVE TË KUVENDIT TË KOMUNËS KAÇANIK
(Legjislatura 7 e Kuvendit të Komunës, të dalë nga Zgjedhjet Lokale të 17 Tetorit 2021)

Evidenca e pjesëmarrjes së anëtarëve të Kuvendit të Komunës në mbledhjen e II (mbledhje e rregullt) të Legjislaturës së VII të KK, mbajtur me 29 Dhjetor 2021

1	2	3	4	5
Nr. Rend.	Emri dhe Mbiemri	Pozita	Përkatësia politike	Nënshkrimi
01.	Brahim Imishti	Anëtar	PDK	
02.	Hamide Luma	"	PDK	
03.	Kadri Krivenjeva	"	PDK	
04.	Fitore Vishi	"	PDK	
05.	Rrustem Zenuni	"	PDK	
06.	Edon Baftiu	"	PDK	
07.	Selajdin Troni	"	PDK	
08.	Fatmir Bunjaku	"	PDK	
09.	Bashkim Krasniqi	"	PDK	
10.	Florina Lika-Vishi	"	PDK	
11.	Lejla Muhaxheri-Çaka	"	PDK	
12.	Agim Mani	"	PDK	
13.	Kadrije Lika-Troni	"	LVV	
14.	Adnan Reka	"	LVV	
15.	Naim Beça	"	LVV	
16.	Raif Kasa	"	LVV	
17.	Ernesta Krasniqi	"	LVV	
18.	Bashkim Luma	"	LVV	
19.	Arta Avdiu	"	LVV	
20.	Ardita Rrahmani	"	LDK	
21.	Besnik Salihu	"	LDK	
22.	Betim Shala	"	LDK	
23.	Arlinda Rakoci-Raka	"	LDK	
24.	Rabije Sallahi	"	AAK	
25.	Ekrem Livoreka	"	AAK	
26.	Agim Çaka	"	NISMA	



REGJISTËR I ANTARËVE TË KUVENDIT TË KOMUNËS
(të zgjedhur në votimet e datës 17 Tetorit 2021);

Nga Mbledhja e II të Kuvendit të Komunës për vitin 2021, mbajtur me 29 Dhjetor 2021:

1. Kemal Murseli,
2. Brahim Imishti.....,
3. Hamide Luma,
4. Kadri Krivenjeva,
5. Fitore Vishi,.....,
6. Rrustem Zenuni,.....,
7. Edon Baftiu,
8. Selajdin Troni,
9. Fatmir Bunjaku,
10. Bashkim Krasniqi,
11. Florina Lika-Vishi,
12. Lejla Muhaxheri-Çaka.....,
13. Agim Mani,
14. Kadrije Lika-Troni,
15. Adnan Reka,
16. Naim Beça,
17. Raif Kasa,
18. Ernesta Krasniqi,.....,
19. Bashkim Luma,
20. Arta Avdiu,
21. Ardita Rrahmani,
22. Besnik Salihu,
23. Betim Shala,.....,
24. Arlinda Rakoci-Raka.....,
25. Rabije Sallahi.....,
26. Ekrem Livoreka.....,
27. Agim Çaka......